

Guangjisi Minzcu Bau

ganhhau: CN45-0036 B.2017 Nd.12 Ng.27 liggaeuq dingyoux nienz ndwenit cocib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3305期

Namzningz Hai Aenhoh Naenghdamz Geiqniemh Gozvuyen Fatbough 《Fueng'anq Sawcuengh》60 Hopbi

南宁市召开纪念国务院颁布《壮文方案》60周年座谈会

Ndwen 12 ngoenz 21, Namzningz Si Minzyijveij hai Aenhoh Naenghdamz Geiqniemh Gozvuyen Fatbough 《Fueng'anq Sawcuengh》60 Hopbi. Baez hohi neix muzdiz dwg vih cienzmienh hagsib gvancez gij cingsaenz Cibgouj Daih dangj caeuq gij cingsaenz aenhohi swcigih geiqniemh Gozvuyen fatbough 《Fueng'anq Sawcuengh》60 hopbi caeuq byaujcangh senhcin hong sawvah minzcuz vunznoix Guengjsae, cunggez dauqyawj 60 bi daeuj daegbied dwg gij cingzcik caeuq gingniemh gaenh 10 bi neix daeuj Namzningz Si hong Sawcuengh

Vahcuengh aeundaej haenx, damq-lwnh gij hong Sawcuengh Vahcuengh seizneix caeuq duenh coglaeng.

Aenhohi cienznaeuz le gij cingsaenz swcigih aenhohi geiqniemh byaujcangh caeuq aenhohi naenghdamz, doengbauq le gij cingzgvang hong sawvah minzcuz Namzningz Si seizneix, dingq le gij bauqlwnh cingzgvang guhhong, genyi yigen mizgven lauxhangz, gak yienh gih aen bouhmonz guhhong sawvah minzcuz haenx.

Hai hohi sat le, gyoengq boux camgya hai hohi bae yawjgonz le gij cingzgvang hong yungh Sawcuengh

Vahcuengh mbanjguhyienh cunghab Cinghsiu Gih Gujyoboh aenmbanj Bouxcuengh comzyouq caeuq Funglingjwz Segih, gak yienh gih minzyijgiz naeuz yaek cungfaen hag gij gingniemh maenhndei Cinghsiu Gih youq segih, mbanjguhyienh doihengz Sawcuengh haenx, cienjbienq doigvangq, dawz daeuj bonjfaenh yungh.

Si, yienh gih bouxfucwz aen bouhmonz guhhong sawvah minzcuz, minzcungh caeuq mizgven lauxhangz hong sawvah minzcuz camgya hai hohi.

(Veiz Yinjsenz/韦尹璇)

SIUSIK DINJ

简讯

● Bineix ndwen 1 daengz 11, Cingsih Si “vangjdoxlien+” doxgaiq reihnaz gwnz densangh siugaingeg dwg 1053.5 fanh maenz, gujsuenq daengx bi siugai cungjngeg daengz 1500 fanh maenz. Neix dwg aen gezgoj ndei he aen bingzdaiz denswj sanghvu “vangjdoxlien+” Cingsih Si daiq leih'ik laisou daeuj hawj vunzlai.

(Ginz Hungzcangz)

● Bineix daeuj, Lungzlinz Gak Cuz Swciyen au doeksaed hwngfat leixniemh guh cawjdaez, au hengzguh haj aen hong gunggeng guh fwngzgaem, nyinhcaen hag gij cingsaenz Cibgouj Daih dangj, cietsaed gaem ndei hong youqgaenj seizneix, haenqrengz doidoengh Lungzlinz ginghci hwngfat riengjvaiq. Daengz seizneix, daengx yienh caizcwnq souhaeuj gyoeksuenq guhsat 62407 fanh maenz, guhsat 100.17% nienzco yawhsuenq moegbiu, doengzbeij gyalai 4278 fanh maenz, daezsang 7.36%, saedyienh caizcwnq souhaeuj guhsat 6 ik maenz cungbyoengq moq.

(Vangz Hungzyenz)

● Mboengqneix, bi 2017 gaiq daihngaih “vahgangj henzguk caeuq minzcuz vwnzva lundanz” youz Guengjsae Minzcuz Swhfan Yozyen cawjbanh, Aen Cungsim Yenzgiu Vwnzva Minzcuz Vunznoix Hengzguek Guengjsae ciepbanh haenx youq Guengjsae Minzcuz Swhfan Yozyen banh. 100 lai boux lauxhangz dai gauhyau, yenzgiu gihgou ndaw gih rog gih daeuj haenx doxcomz Cungzcoj, caez damqlwnh yenzgiu gij vwndiz mizgven vahgangj henzguk Guengjsae caeuq minzcuz vwnzva haenx.

(Cinz Singhsingh)

● Bineix daeuj, vih gvancez gij cingsaenz “aenhohi doxgyau gingniemh heiq haeuj hagdangz daengx guk” Cunghgung Cunghyangh Senhconzbu, Gyauryuzbu, Vwnzvabu cujciz hai haenx, doidoengh Cunghvaz conzdungj vwnzva youq cungh siuj hagdangz cienzboq caeuq cienzdoh, Dwzbauj Yen giethab bonj dieg saedsaeh, yungh Heiqcuengh baihnanz guh cujyau hozdung haiguh baenzdauq “heiq haeuj hagdangz” hozdung. Daengz seizneix, aen yienh neix 42 aen cungh siuj hagdangz haiguh mizgven Heiqcuengh dangzgoq sonhag 820 dangzbaez; gaeng guh 11 ciengz Heiqcuengh haeuj hagdangz vwnzyi yienjok hozdung, ndaej daengz lauxsae hagseng daengx yienh haenh.

(Cinz Siubeih)



Sanhgyangh: Ciengqgo Diuqfoux Hoh Dungnienz Coux Yenzdan 三江:载歌载舞闹侗年迎元旦

Ndwen 12 ngoenz 23, Lijcouh Si Sanhgyangh Duncuz Swciyen banh aen hozdung “gvaq Dungnienz · coux yenzdan”, beixnuengx Duncuz dangdieg doxcomz giz ndeu, yungh ngaizbakranz, biujyienj minzcuz daengj fuengsik, ciengqgo diuqfoux angqhoh Dungnienz, angqcoux yenzdan.

Dungnienz youh heuh “cietdoeng”, dwg ngoenzciet conzdungj beixnuengx Duncuz ceiq hoenghhwd. Ngoenzciet seiz, gak ranz gag bwh haexbyaek ndei, cingj hek cunz baengzyoux, yungh neix gyalai gak minzcuz doxgiet caeuq cingzngaih. Ndaw doz dwg beixnuengx Duncuz caepcawq ngaizbakranz.

(Vuz Lenzinh/吴练勤)

Yizcouh Guh Hung Guh Ak Guh Ndei Gosangh Nonsei Canjniieb

宜州做大做强做优桑蚕产业

Geij bi neix daeuj, Hozciz Si Yizcouh Gih gaenxmaenx damqra “lai vih it daej” nungzyez daihneix hwngfat vunzsik moq, doenggvaq dungjcouz gveihva, boiqdauq hengzguh, dox coicaenh, gyavaiq hwnjguh gauhyau gosangh nonsei canjniieb hanghmoeg, doidoengh canjniieb daezsang caetliengh gyalai yauqik.

Aen gih neix haenqrengz hwngfat gosangh nonsei canjniieb ndei, doed ok dawz nungzyez dangguh gunghyez daeuj guh, dawz diegguh-yienh dangguh ginggih daeuj ca, dawz ginghci canjniieb dangguh vwnzva canjniieb daeuj gveihva, haenqrengz doenggvaq yenzgih, gihdi caeuq giyez, saedyienh gunghyez nungzyez doxlien, lajmbanj hawsingz doxlien, it, ngeih, sam canjniieb yungzhab hwngfat, ginghci yauqik, ndawbiengz yauqik caeuq

swnghdai yauqik ndeindei doengjit.

Youq mwh doicaenh gocwngz, aen gih neix ciuq “yenzgih, diegguhyienh, gihdi” hwngfat vunqsik, cungfaen fatok gij yinxlingx daiqdoengh cozyung aen giyez lingxdaeuz, ca ndei gunghyez yenzgih yinxhaeuj aen giyez cingsaeq gyagoeng reh nonsei haenx, ietraez diuz lienh canjniieb, daezsang gij gyaciz doxgaiq reihnaz; gyavaiq doicaenh yamqdin hwnjguh Liuz Sanhcej Gosangh Nonsei Gauhyau Swnghdai Canjniieb(haedsim) Sifangih, haenqrengz dajcauh au ciengx nonsei guh cujdauj canjniieb haenx, caenh'itbough laebndei boiqdauq sezsih hidungj, hwnjguh daegsaek canjniieb youqndwi ginggih; giengzvaq hwnjguh aen gihdi dajndaem dajciengx, gaenxmaenx doigvangq cehfaen ndei banhfap ndei, soudauq

cunghab leihyungh nga gosangh, doicaenh cawqleix haex nonsei mbouj miz goenghah, cinghseuq gij vanzging suen nonsei, haenqrengz hawj canjniieb ndaej laebdaeb hwngfat ndei.

Doengzseiz, aen gih neix haenqrengz doigvangq denswj sanghvu, laebndei gosangh nonsei canjniieb vuzliuz diji caeuq roenloh siugai, gungganq buek ciennieb doxgap cujciz he, daezsang seveiva cujciz cingzdoh caeuq wngqdoiq hawciengz yung-yiemj, gyalai lai dieg doxgap bingzdaiz, doed ok gohgi gunggvann, youq gwnz giekdaej doicaenh bangcoh hwnjguh canjniieb, gyalai caizcwnq, swnghcanj giyez, donzdui ndawbiengz yenzgiu haifat ligdoh, gosangh nonsei canjniieb yienh'ok conhyezva, dohyenzva, gohyozva caeuq yizdijva hwngfat seiqdaez.

(Yiz Hungzgauh)